

KU DHAQAN XAFIIS D.



Faafin Rasmi ah

EE JAMHURIYADDA DIMUQRADIGA SOMALIYA

Sannadka 2aad

Muqdisho, 21 Oktoobar 1974

L. 2 R. L. 10

Laanta Maamulka Faafinta Rasmiga ah
ee ka tirsan Madaxtooyada Golaha Sare ee Kacaanka

FAAFIN BIL SOO BAXA

QIIMADU: waa 5 shilin lambar waliba — **RUKUNKA:** Sanadii waa Sh. 100 Somaliya gudeheeda — dibaddedana waa Shs. 300. Rukunka la weydiisto waqtiga loo gooyay wuxuu ka bilabmaa 1 Janayo. Qiimaha qoritaanku F. R. halkii sadar iyo waxii ka yar waa 2 laba shilin — Rukunka iyo qoritaanku waxaa la weydiistaa Laanta Maamulka Faafinta Rasmiga ah — Lacagta waxaa lagu bixinaya Xafiiska Canshuran ee Wasaaradda Lacagta

KOBNIIN

BOGGA KOOWAAD

SHARCI

- SHARCI L. 35, Tr. 20 Sebtember 1974 — *Cashuurta Wakaa-ladaha, Bankiyada iyo Wershadaha Dawladda.* Bog. 470
- SHARCI L. 36, Tr. 22 Sebtember 1974 — *Imtixaanada oo lagu qaadi doono far Soomaali.* » 471
- SHARCI L. 37, Tr. 1 Oktoobar 1974 — *Oggolaansho Heshiis lagu dhisayo wershad lagu safeeyo betrootka oo ka dhexeysa Soomaaliya iyo Ciraaq.* » 472
- SHARCI L. 37, Tr. 1 Oktoobar 1974 — *Oggolaansho Heshiis lagu dhisayo wershad lagu safeeyo betrootka oo ka dhexeysa Soomaaliya iyo Ciraaq Af Carabi.* » 473
- SHARCI L. 38, Tr. 1 Oktoobar 1974 — *Gadashada iyo dhoojinta Kalluunka.* » 474

XEER MADAXWEYNAHA GOLAHA SARE EE KACAANKA

Tr. 1 Oòtoobar 1974, L. 117.

Xeer Dawladeed ee ku saabsan Diiwaan-Gelinta Iskaashatooyinka Ganacsiga.

GUDDOMIYAHA

GOLAHA SARE EE KACAANKA

ISAGOO ARKAY Xaashidii 1aad iyo tii 2aad ee kacaanka;

ISAGOO ARKAY Sharciga lambarkiisu yahay 40 ee horumarinta Iskaashatooyinka Dalka Jamhuuriyadda Dimuqradiga Soomaaliya oo dhaqan galay 4tili Oktoobar 1973kii iyo lifaaqiisa;

ISAGOO AQOONSAN In ay lagama maarmaan tahay in la sameeyo hab ku saabsan Diwaan gelinta Iskaashatooyinka Ganacsiga. Si uu u hirgalo Sharciga Horumarinta Iskaashatooyinka;

ISAGOO TIXGELINAYO Go'aankii Golaha Sare ee kacaanka iyo kan Xoghayayasha Dawladda;

WUXUU SOO SAARAYA

Xeer Dawladeedka hoos ku qoran:

Qodobka 1aad

Arji diwaan gelin

1. Guddoomiyaha Iskaashatada Ganacsiga waa inuu arji diiwaan gelin ah uu qorto Xoghayaha Wasaaradda Ganacsiga Gudaha. Arjigaas waa inu soo marsiiyaa Guddiga Iskaashatooyinka ee Degmada iyo tan Gobolka ee shaqada ku leh, sida uu dhigayo lifaaqa kowaad ee Xeerkan.

Diiwaanka waxaa la gelinayaa Iskaashatooyinka cusub iyo kuwa hore u jiri jirayba, iyadoo la raacayo nidaamka hoos ku qoran:

- a) Iskaashatooyinka Ganacsiga ee cusub waa inay diiwaan gelin weydiistaan 30 (Sodon) maalmood dhexdood ka dib markii la dhisay.
- b) Iskaashatooyinka Ganacsiga ee hore uu jiray inta aan dhaqan gelin Sharciga lambarkiisu yahay 40 ee soo baxay 4-10-1973 waa inay diiwaan gelin weydiistaan 30 (Sodon) maalmood ka dib markii xeerkani lagu soo saaro Faafinta Rasmiga ah ee Dawladda.

2. Arjiga lagu codsanayo Diiwaan gelinta, oo ku qoran xaashida 3da shilin ah waa in lagu soo lifaaqaa:

- a) qoraalkii aas-aasidda ee Shirka Guud, ayadoo ay la socoto liis ay ku qoran yihiin magacyada dadka xubnaha ka ah Iskaashatada oo markaas ka qayb galay iyo natiijada codka ey dhibeen.
- b) liis ey ku qoran yihiin magacyada xubnaha Iskaashatada iyo meesha laga helo iyo magacyadda dadka loo doortay Agaasinka, Guddiga Hantidhowrka iyo Xisaabaatka iwm.

- t) Afar nuqul oo Xeer-Gaarka ah oo waafaqsan sharcigan Iskaashatooyinka ee lambarkiisu yahay 40 soona baxay 4-10-73 iyo tilmaamooyinka uu soo saaro Xoghayaha Dawladda ee Wasaaradda Ganacsiga Gudaha.

Xeergaarka ee Iskaashatada Ganacsiga waa inuu saxiixo qofkasta oo ka mid ah Guddiga Agaasinka.

Guddoomiyaha Guddiga Iskaashatooyinka ee Degmada waa inuu goob joog ka noqdo saxiixidda xeer gaarka iskaashatada, asagoo goob joognimadaas ku muujinaaya saxiixiisa iyo shababadda Xafiska Guddiga Iskaashatooyinka ee Degmada.

Qodobka 2aad

Habka Diiwaan gelinta

1. Haddii Xeer-gaarka iyo qoraalka aas-aasida Iskaashatada ay waafaqsan yihiin sharciga lambarkiisu yahay 40 ee Horumarinta Iskaashatooyinka Dalka Jamhuuriyadda Dimuqraadiga Soomaaliya, oo dhacay galay 4-i Oktoobar 1973, lifaaqiisa iyo habka xeer-gaarka oo Wasaaradda Ganacsiga Gudaha soo saartay Guddoomiyaha Guddiga Iskaashatooyinka ee Degmada, asagoo ra'yigiisa ka dhiibanaaya ayuu u soo gudbinayaa warqadaha Guddiga Iskaashatooyinka ee Gobolka.

2. Guddoomiyaha Guddiga Iskaashatooyinka ee Gobolka ka dib markuu baaro in Iskaashatadaasi ay waafaqsan tahay Sharciga Horumarinta Iskaashatooyinka Dalka, wuxuu ogolaanshihiisa u soo gudbinayaa Xoghayaha Dawladda ee Wasaaradda Ganacsiga Gudaha.

3. Xoghayaha Dawladda ee Wasaaradda Ganacsiga Gudaha wuxuu diiwaan gelinayaa Iskaashatada Ganacsiga, asagoo tixgelinaya darajarankii iyo ogolaanshihii Guddiga Iskaashatooyinka ee Gobolka iyo kan Degmadaba, ka dib markuu uu baaro in Iskaashatadaasi ay waafaqsan tahay Sharciga Horumarinta Iskaashatooyinka.

4. Iskaashatada Ganacsiga waxay yeelanaysaa aqoonsi khaas ah, oo sharci ku dhisan, marka laga bilaabo maalinta diiwaan gelinteedu ku soo baxdo «Faafinta Rasmiga ah ee Dawladda».

Qodobka 3aad

Isbedelka Iskaashatada

Haddii Xeer-Gaarka, ama dadka loo doortay Guddigaasha ee Iskaashatada Ganacsiga wax laga bedelayo, Guddoomiyaha Iskaashatadaasi waa inuu durbaba soo ogeysiiyaa, iyadoo qoran, Guddiga Iskaashatooyinka Degmada ee shaqada ku lug leh.

Qodobka 4aad

Ilaalinta diiwaanka Rasmiga ah

Xajiiska Iskaashatooyinka ee Wasaaradda Ganacsiga wuxuu haynayaa Diiwaan Rasmiga ah ee lagu qoro Iskaashatooyinka Ganacsiga oo ka dhismay Dadka Jamhuuriyadda Dimoqraadiga Soomaaliya, lehna aqoonsi gaar ah oo sharci ku dhisan.

Qodobka 5aad

Dhaqan gelinta

Xeerkani wuxuu dhaqan gelayaa maalinta lagu soo qoro «Faafinta Rasmiga ah ee Dawladda».
Muqdisho, 1 Oktoobar 1974.

MADAXWEYNAHA
GOLAHA SARE EE KACAANKA
S. G. Maxamed Siyaad Barre

Xoghayaha Wasaaradda Ganacsiga Gudaha
Jaalle Axmed Maxamed Maxamuud

LIFAAQA. 1aad

ISKAASHATADA

TUULADA

DEGMADA

GOBOLKA

Ku / Socota:

Jaal'e Xoghayaha Wasaaradda Ganacsiga Gudaha XAMAR

Sii Maraysa:

*Guddoomiyaha Guddiga Iskaashatooyinka ee Degmada iyo
tan Gobolka.*

UJeeddo: **Arji Diiwaan Gelin.**

Annagoo tixraacayna Sharciga Lamb. yahay 40 ee Horumarinta Iskaashatooyinka Dalka Jamhuuriyadda Dimoqraadiga Soomaaliya, oo cahaan galay 4tii Oktoobar, sannadkii 1973dii qodobkiisa 15aad. iyo kan 3aad ee lifaaqa sharciga, waxaan idin ka codsanaynaa inaad nagu qortaan Di-iwaanka Iskaashatooyinka ee Wasaaradda Ganacsiga Gudaha.

Waxaan arjigaan ku soo lifaaqaynaa:

1. 4 (afar) nuqul ee Xeer-gaarka oo uu ogolaaday Shirka Guud ee Iskaashatada; waafaqsanaa sharciga Iskaashatooyinka ee Lambarkiiisu yahay 40, soona baxay 4-10-73 iyo tilmaamooyinka uu soo saaray Xoghayaha Dawladda ee Wasaaradda Ganacsiga Gudaha;

2. Qoraalkii aas-aasidda ee shirka Guud, ayadoo ay la socoto liis ku qoran yihiin magacyada dadka xubnaha ka ah Iskaashatada iyo dadka loo doortay Guddiyaasha Iskaashatada.

Mahadsanid.

Taariikhda.....

Guddoomiyaha

Iskaashatada

Jaalle

LIFAAQA 2aad

JAMHUURIYADDA DIMOQRADIGA SOMALIYA
WASAARADDA GANACSIGA GUDAHA

Ujeedo: **Shahaado Diiwaan gelin.**

MAGACA ISKAASHATADA

TUULADA

DEGMADA

GOBOLKA

SHAQADA AY QABATO ISKAASHATADA

LAMBARKA DIIWAANKA

TAARIKHDA DIIWAANKA LA GELIYEY

Iskaashatada kor ku magacaaban waxaa laga diiwaan geliyay Xafii-ska Iskaashatooyinka ee Wasaaradda Ganacsiga Gudaha, taas oo waa-faqsan qodobka 15aad ee sharciga Lamb. yahay 40 ee Horumarinta Iskaa-shatooyinka Dalka Jamhuuriyadda Dimoqradiga Soomaaliya oo dhaqan galay 4tii Oktoobar sannadkii 1973.

Marka laga bilaabo maanta oo bisha ay tahay.....

Iskaashatadan waxay yeelanaysaa aqoonsi gaar ah oo sharci ku dhisan; Xeer-Gaarkeedana wuu dhaqan-gelayaa.

XOGHAYAHA DAWLADDA

.....